



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

Prot. n.166

ORDINÀNTZIA N. 2 DE SU 9 DE GHENNÀRGIU DE SU 2021

Ogetu: Ulteriores mesuras istraordinàrias urgentes de cuntrastu e preventzione de s'isparghidura epidemiològica dae COVID-19 in su territòriu regionale de sa Sardigna. Ordinàntzia in cunforma a s'art.32, comma 3, de sa lege 23 de nadale de su 1978, n.833 in matèria de igiene e sanidade pùblica. Dispositziones in matèria de controllu faunisticu e atividade venatòria.

SU PRESIDENTE

- BIDU s'art. 32 de sa Costituzione;
- BIDU s'Istatutu Ispetziale pro sa Sardigna e sas normas de atuatzione relativas;
- BIDA sa lege regionale 7 de ghenàrgiu de su 1977, n.1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege 23 de nadale de su 1978, n.833 "Istituzione de su servìtziu sanitàriu natzionale" e in particolare s'art. 32 chi disponet "*su Ministru de sa sanidade podet emitere ordinàntzias de caràtere contingibile e urgente, in matèria de igiene e sanidade pùblica e de polìtzia veterinària, cun eficàtzia perlongada a totu su territòriu natzionale o a parte de issu chi cumprendet prus regiones*", e puru "*in sas matèssis matèrias sunt emitidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia perlongada a manera rispetiva a sa regione o a parte de su territòriu suo chi cumprendet prus comunes e a su territòriu comunale*";



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

- BIDA sa declaratzione de s'Organizatzione mundiale de sa sanidade de su 30 de ghennàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanidade pùblica de rilevàntzia internatzionale;
- BIDAS sas delìberas de su Consìgiu de sos Ministros de su 31 de ghennàrgiu de su 2020, 29 de trìulas de su 2020 e 7 de santugaine de su 2020, cun sas cales est istadu declaradu e prorogadu finas a su 31 de ghennàrgiu de su 2021 s'istadu de emergèntzia in su territòriu natzionale relativu a s'arriscu sanitàriu connessu a s'isvilupu de patologias chi derivant dae agentes virales trasmissibiles;
- BIDA s'ordinàntzia de su Capu de su Dipartimentu de sa protetzione tzivile n.630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relazione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissibiles*";
- BIDU su decretu de su Capu de su Dipartimentu de sa protetzione tzivile n.627 de su 27 de freàrgiu de su 2020 chi nùmenat su Presidente de sa Regione Sardigna, sugetu atuadore de sos *interventos segundu su OCDPC 630/2020*;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu-lege 25 de martzu de su 2020, n.19, chi cuntenit «*Mesuras urgentes pro fàghere fronte a s'emergèntzia epidemiològica dae COVID-19*», mudadu, cun modificas, dae sa lege 22 de maju de su 2020, n.35 e a manera ulteriore modificadu dae su D.L. n.83/2020;
- BIDU su decretu lege 16 de maju de su 2020, n.33 chi cuntenit "Ulteriores mesuras urgentes pro fàghere fronte a s'emergèntzia epidemiològica dae COVID-19" e publicadu in sa Gazzetta Ufficiale n.125 de su 16 de maju de su 2020, mudadu, cun modificas, cun sa lege 14 de trìulas de su 2020, n.74 e a manera ulteriore modificadu dae su D.L. n.83/2020;
- BIDU su decretu lege de su 7 de santugaine de su 2020 n.125 (Mesuras urgentes connessas cun sa pròroga de sa declaratzione de s'istadu de emergèntzia epidemiològica dae COVID- 19 e pro sa sighidura operativa de su sistema de allerta COVID, e puru atuatzione de sa diretiva (UE) 2020/739 de su 3 de làmpadas de su 2020), e in particolare s'articulu 1, comma 2, litera a), chi in su modificare s'articulu 1, comma 16, de su decretu lege 16 de maju de su 2020,



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

n.33, reconnoschet a sas Regiones sa facultade de introduire mesuras “restritivas respetu a cussas dispositas in cunforma a s’artìculu 2, ossiat, ebbia in sos casos e in su respetu de sos crìterios prevididos dae sos decretos tzitados e de intesa cun su Ministru de sa salute, puru acreschidoras”;

TORRADAS A CRAMARE sas ordinàntzias contingìbiles e urgentes de su Presidente de sa Regione Sardigna, in cunforma a s’art. 32, comma 3, de sa lege 23 de nadale de su 1978, n.833 in matèria de igiene e sanidade pùblica, dae sa n.2 de su 23 de freàrgiu de su 2020 a sa n. 48 de su 15 de santugaine de su 2020 e n. 1 de s’8 de ghennàrgiu de su 2021;

BIDU su decretu-lege 2 de nadale de su 2020, n.158, chi cuntenit: “Dispositziones urgentes pro fàghere fronte a sos arriscos sanitàrios connessos a s’isparghidura de su virus COVID-19”;

BIDU su decretu-lege 18 de nadale de su 2020, n. 172, chi cuntenit “Ulteriores dispositziones urgentes pro fàghere fronte a sos arriscos sanitàrios connessos a s’isparghidura de su virus COVID-19”;

BIDU su decretu de su Presidente de su Consìgiu de sos Ministros 3 de nadale de su 2020 “Ulteriores dispositziones atuativas de su decretu-lege 25 de martzu de su 2020, n.19, mudadu, cun modificatziones, dae sa lege 22 de maju de su 2020, n.35, chi cuntenit: «Mesuras urgentes pro fàghere fronte a s'emergèntzia epidemiològica dae COVID-19» e de su decretu-lege 16 de maju de su 2020, n.33, mudadu, cun modificatziones, dae sa lege 14 de trìulas de su 2020, n.74, chi cuntenit: «Ulteriores mesuras urgentes pro fàghere fronte a s'emergèntzia epidemiològica dae COVID-19»;

BIDU su decretu-lege 5 de ghennàrgiu de su 2021, n.1, chi cuntenit: “Ulteriores dispositziones urgentes in matèria de cuntenimentu e gestione de s'emergèntzia epidemiològica dae COVID- 19”;

RILEVADU chi in cunforma a s’art. 1, comma 2, de su decretu lege 5 de ghennàrgiu de su 2021 n. 1, in su territòriu regionale in sas dies 9 e 10 de ghennàrgiu de su 2021 si àplicant sas mesuras de cuntenimentu prevididas dae s’art. 2 de su DPCM de su 3 de nadale de su 2020;

BIDA sa Lege 11 de freàrgiu de su 1992, n. 157 chi cuntenit “Normas pro sa protetzione de sa fàuna areste omoterma e pro su prelievu venatòriu”;

BIDA sa Lege regionale 29.07.1998 n. 23 chi cuntenit Normas pro sa protetzione de sa fàuna areste e pro s’esertiziu de sa catza in Sardigna;

CUNSIDERADU chi sa Regione Sardigna at cumpetèntzia primària in matèria de catza;

TORRADOS A CRAMARE sos Decretos de s'Assessore Regionale de sa Difesa de s'Ambiente n.11 de su 24.08.2020 “Calendàriu Venatòriu 2020 – 2021”, n.13 de su



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

23.09.2020 “Calendàriu Venatòriu 2020- 2021. Rèvoca de s'autorizatzione de su prelievu venatòriu relativu a s'ispètzia Moriglione e Pavoncella.”, n.14 de su 28.09.2020 “Integratzione Decretu Assessore de sa Difesa de s'Ambiente A/11 de su 24.08.2020. Calendàriu venatòriu 2020/2021 – Perdija sarda, Lèpere sardu e Conìgliu areste.”, n.15 de su 13.10.2020 “Integratzione Decretu Assessore de sa Difesa de s'Ambiente n.A/11 de su 24.08.2020. Calendàriu venatòriu 2020/2021 – Perdija sarda, Lèpere sardu”;

ATESU

chi su Decretu de s'Assessore Regionale de s'Ambiente n. 11 de su 24.08.2020 at dispostu, in s'allegadu 5 tra sas àteras cosas, chi in s'esertitziu de s'atividade venatòria ant a dèvere èssere osservadas sas medidas precauzionales anticovid sighentes:

- A. Divulgare a manera costante sos DPCM e Ordinàntzias RAS;
- B. Vigilare e fàghere respetare sas normas anticovid;
- C. Evitare sos muntone de gente prima, durante e a pustis de sas batutas de catza;
- D. Prefèrrere su pràngiu a s'ària aberta;
- E. Individuare sos locales in ue siat possibile mantènnere sas distàntzias de siguresa;
- F. Fàghere respetare sas normas durante sas fases de maselladura, chi s'ant a dèvere acumprire in su respetu de sas normas anticovid;
- G. Dotare sa sede de catza de gel igienizante e locandinas informativas anticovid;
- H. Detènnere un'elencu cun sos recàpitos de totu sos Cumponentes de s'Isquadra, pro los pòdere agatare deretu pro comunicatziones eventuales de caràtere sanitàriu ligadas a su covid;

CUNSIDERADU chi mancari chi non sussistent problemas de muntone de gente pro sa g.n. catza minuda, est semper e cando fatu òbligu respetare totu sas prescritziones in vigore;

CUNSIDERADA sa funtzione fundamentale de s'atividade venatòria pro sa preventzione e pro su controllu sanitàriu de s'isparghidura de sa Peste suina africana, e puru de s'isparghidura de su virus de sa sindrome emorràgica virale, in prus chi pro evitare dannos graes a s'agricultura e prevènnere sos intzidentes istradales;

CUNSIDERADU chi s'atividade venatòria s'acumprit in Sardigna in su territòriu regionale liberu a sa catza e in sas zonas autogestidas pro s'esertitziu de sa catza e chi, pro cussu, non podet èssere acumprida a in intro de sas làcanas comunales singulas;

APRETZIADU chi pro tale natura sua, s'atividade venatòria intrat tra cussas pro sas cales s'art. 2, comma 4, lit. b) de su DPCM 3 de nadale de su 2020 cunsentit s'ispostamentu a in foras de su Comune de residèntzia, domitziliu o abitatzione;

BIDA s'ordinàntzia de su Ministèriu de sa Salude de s'8 de ghennàrgiu de su 2021;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

CUNSIDERADU chi sa Regione Autònoma de sa Sardigna, pro cuntènnere sa tzirculatzione de su virus, at aviadu su *screening* de massa in su matessi tempus de sa campagna de sos vatzinos;

LEADU ATU chi su Monitoràgiu Fase 2 (DM Salude 30 de abriale de su 2020) de su Ministèriu de sa Salude, Datos relativos a sa chida 14-20 de nadale de su 2020 (aggiornados a su 22 de nadale de su 2020) evidèntziat:

- casos totales: 24938, Intzidèntzia cumulativa: 1529.49 pro 100000, casos cun data prelievu/diàgnosi in sa chida 14/12-20/12: 1201, intzidèntzia: 73.66 pro 100000, Rt: 0.82 (CI: 0.67-1.01) [mèdiu 14 dies];

LEADU ATU chi su Monitoràgiu Fase 2 (DM Salude 30 de abriale 2020) de su Ministèriu de sa Salude, Datos relativos a sa chida 21-27 de nadale de su 2020 (aggiornados a su 29 de nadale de su 2020) evidèntziat:

- casos totales: 27188, intzidèntzia cumulativa: 1667.49 pro 100000, casos cun data prelievu/diàgnosi in sa chida 21/12-27/12: 1069, intzidèntzia: 65.56 pro 100000, Rt: 0.83 (CI: 0.7-1.07) [mèdiu 14 dies];

LEADU ATU chi su Monitoràgiu Fase 2 (DM Salude 30 de abriale de su 2020) de su Ministèriu de sa Salude, Datos relativos a sa chida 28 de nadale de su 2020 - 03 de ghennàrgiu de su 2021 (aggiornados a su 05 de ghennàrgiu de su 2021) evidèntziat:

- casos totales: 29218, Intzidèntzia cumulativa: 1791.99 pro 100000, casos cun data prelievu/diàgnosi in sa chida 28/12/2020-03/01/2021: 1272, Intzidèntzia: 78.01 pro 100000, Rt: 0.95 (CI: 0.78-1.11) [mèdiu 14 dies];

BIDU chi subra de sa base de sos datos frunidos in data 8 de ghennàrgiu de su 2021 dae s'Unidade de Crisi Regionale sa situatzione de su cuntàgiu dae SARS – CoV-2, registrat 504 ricoverados in sos ispidales in degèntzias de s'àrea mèiga, in prus de 50 ricòveros in terapia intensiva subra de una disponibilidade attuale de 74 postos letu de terapia intensiva (+27 ativàbiles in 24-48h);

CUNSIDERADU chi sas dimensiones subranatzionales de su fenòmenu epidèmicu e s'interessamentu de prus àmbitos in su territòriu natzionale faghent netzessàrias mesuras indirizadas a garantire s'atuatzione de sos programmas de profilassi elaborados in sede internatzionale e europea, graduende sas mesuras in base a s'ispetzifitzidade de su cuntestu territoriale interessadu, in su respetu de sos printzìpios de achistiadura, proportzionalidade e adeguadesa a s'arriscu a manera efetiva presente in su territòriu regionale;

BIDU s'art.14, comma 4, de su DPCM 3 de nadale de su 2020, pròpiu su cale "sas *disposizioni* de su decretu presente si àplicant a sas *Regiones a istatutu ispetziale e a sas Provintzias autònomas de Trento e de Bolzano a manera cumpatibile cun sos Istatutos rispetivos e sas normas de atuatzione relativas*".

DADU ATU de sas potestades primàrias atribuidas a sa cumpetèntzia regionale dae sa Lege Costituzionale 26 de freàrgiu de su 1948, n.3;

ATESU chi intret in sas cumpetèntzias primàrias de sa Regione Autònoma de sa



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

Sardigna riferidas a sas matèrias postas a sa potestade legislativa pròpia e amministrativa e, pro issa, tochet a su Presidente de sa Regione Autònoma de sa Sardigna, puru in calidade de Autoridade Sanitària Regionale e puru sugetu atuadore de sos interventos segundu su OCDPC 630/2020, valutare e pesare sos interventos netzessàrios pro sa tutela de sa salute pùblica;

VALUTADA

in prus, s'urgèntzia e chi non si podet perlongare de adeguare a sas ulteriores cunditziones epidemiològicas locales mudadas sas mesuras istraordinàrias a tutela de sa salute de sos tzitadinos sardos pro sa preventzione e su cuntenuimentu de s'isparghidura in su territòriu de sa Regione Sardigna de su COVID-19, in cunforma a s'art.32 de sa lege 23 de nadale de su 1978, n.833 in matèria de igiene e sanidade;

ÒRDINAT

Art. 1)

Sunt cunsentidos sos ispostamentos – cun metzos pròpios e cun sa prescrizione de s'impreu de sos matessis dae non prus de duas pessones cunvivalentes semper e cando chi epant in tota sa fase de permanèntzia a in intro de sos metzos dispositivos idòneos de protetzione de sas bias aèreas – a in foras de su su Comune de residèntzia, domitziliu o abitatzione pro s'acumprimentu de s'atividade venatòria e de s'atividade de controllu de sa fàuna areste in sas dies chi benint aplicadas sas mesuras segundu s'art. 2, DPCM 3 de nadale de su 2020, in su rispetu prenu de sas normas chi sunt cuntènnidas in sos Decretos de s'Assessore Regionale de sa Difesa de s'Ambiente n. 11 de su 24.08.2020 "Calendàriu Venatòriu 2020 – 2021", n.13 de su 23.09.2020 "Calendàriu Venatòriu 2020- 2021. Rèvoa de s'autorizzazione de su prelievu venatòriu relativu a sas ispètzias Moriglione e Pavoncella.", n.14 de su 28.09.2020 "Integratzione Decretu Assessore de sa Difesa de s'Ambiente A/11 de su 24.08.2020. Calendàriu venatòriu 2020/2021 – Perdija sarda, Lèpere sardu e Conìgliu areste.", n.15 de su 13.10.2020 "Integratzione Decretu Assessore de sa Difesa de s'Ambiente n.A/11 de su 24.08.2020. Calendàriu venatòriu 2020/2021 – Perdija sarda, Lèpere sardu.";

Art. 2)

In s'esertitziu de s'atividade venatòria ant a dèvere èssere osservadas in prus sas mesuras precauzionales sighentes, puru cun riferimentu a sa catza minuda pro cantu, de norma, non sussistent, in s'esertitziu de sa matessi, problemas de muntone de gente:

- A. Consultare cun atenzione sas normas vigentes in matèria de preventzione e proibitziones cuntènnidas in sos DPCM e in sas Ordinàntzias RAS; in su casu de cumpagnias de catza russa, su capu iscuadra relativu est obligadu a sa divulgatzione costante de sos cuntenuitos prescritivos de sas matessis e a sa vigilàntzia subra de su rispetu dae parte de totu sos catzadores de sa matessi;
- B. Evitare sos muntones de gente prima, durante e a pustis de s'esertitziu de s'atividade venatòria, cun riguardu particulare a sas batutas de catza;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

- C. Su pràngiu eventuale at a pòdere èssere consumidu ebbia a s'ària aberta in su rispetu rigorosu de s'istesiametu sotziale, de s'igienizazione de sas manos e de sa proibizione assoluta de s'impreu misciadu de istèrgiu e provistas;
- D. In su casu de impreu de locales destinados a sa maselladura pro su prelievu de sos campiones de sutapònnera a sas anàlisis de lege, custos ant a dèvere garantire una areazione naturale sufitziente naturale pro su ricàmbiu costante de s'aria interna e èssere semper e cando idòneos a mantènnere sas distàntzias de siguresa de a su nessi 2 metros tra ogni pessone;
- E. Durante sas fases eventuales de maselladura de sos animales mortos, in su rispetu de sas normas vigentes in matèria, divent èssere a manera puntuale osservadas sas medidas de preventzione contra a su Covid-19 e in particolare sa proibizione de muntone de gente, s'igienizazione costante de sas manos e s'òbligu de impreu de sa mascaredda;
- F. Sas sedes de campagna a manera eventuale impreadas comente apògiu dae sos catzadores divent èssere dotadas de gel igienizante e de locandinas informativas subra de sas prescritziones anticovid;
- G. In su casu de Cumpagnias de Catza, su capuisquadra relativu devet redatzionare e costoire pro a su nessi 21 dies un'elencu nominativu de totu sos Cumponentes de s'lsquadra cun sos indirizos rispetivos, pro los pòdere agatare deretu pro comunicatziones eventuales de caràtere sanitariu ligadas a su covid;
- Art. 3) Sos ispostamentos e puru s'esertitziu de totu sas atividades subra dispostas, ant a dèvere avènnere in su rispetu de sas medidas de distanziametu sotziale de a su nessi duos metros e cun s'impreu de sos dispositivos de protetzione individuale prevididos.
- Art. 4) Pro cantu totu non disciplinadu a manera espressa dae s'ordinàntzia presente, si faghet rinviiu espressu a su DPCM 3 de nadale de su 2020 e allegados relativos.
- Art. 5) Sas dispositziones de s'ordinàntzia presente produint sos efetos issoro a fàghere data dae su 10 de ghennàrgiu de su 2021 - finas a su 15 de ghennàrgiu de su 2021, francu pròroga esplitzata e francu ulteriores prescritziones diversas, puru de signu contràriu, chi si diant a fàghere netzessàrias in dipendèntzia de s'andamentu de sa curva de isparghidura de su virus, chi at a èssere a manera costante monitorada dae sos òrganos cumpetentes de s'amministratzione e de sas aziendas.
- Art. 6) Si mandat a su Corpus Forestale e de Vigilàntzia Ambientale de sa Regione pro sas atividades de controllu cunsighentes in su territòriu in òrdine a su rispetu e a s'esecutzione curreta de s'ordinàntzia presente.

S'ordinàntzia presente est eficatze a manera immediata e est publicada in su situ istituzionale de sa Regione e in su B.U.R.A.S. Sa publicatzione at balore de notifica individuale, a totu sos efetos



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

de lege, in sos cunfrontos de totu sos sugetos interessados.

Francu chi su fatu non constituat reatu prus grae, sa no osservàntzia de sos òbligos segundu s'ordinàntzia presente est santzionada comente pro lege (art. 2 de su D.L. 33 de su 16 de maju de su 2020).

S'ordinàntzia presente benit in prus trasmìtida, segundu sas cumpetèntzia respetivas, a su Presidente de su Consighiu de sos Ministros, a su Ministru de sa Salude, a su Ministru de s'Ambiente e de sa tutela de su territòriu e de su mare, a sos Prefetos de sos Ufìtzios territoriales de Governu de sa Sardigna, a sos Amministradores de sas Provìntzias de su territòriu regionale, a su Sindigu metropolitanu de Casteddu, a sos Sìndigos de sos Comunes de sa Sardigna, a sos Assessoros regionales.

Contra a s'ordinàntzia presente est ammitidu ricursu giurisditzionale a dae in antis de su Tribunale Amministrativu Regionale in su tèrmine de sessanta dies dae sa comunicatzione, ossiàt istraordinàriu a su Capu de s'Istadu intro de su tèrmine de dies chentubinti.

Christian Solinas



CHRISTIAN SOLINAS
REGIONE
AUTONOMA DELLA
SARDEGNA -
SISTEMA REGIONE
09.01.2021
20:44:16 UTC

Traduzione de s'operadora de s'isportellu linguìsticu de Monteleone
Maria Leonarda Correddu